

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum pars tertia, hoc est:  
Tractatio evangeliorum tam dominicalium, quam  
festivalium, ad recte se sub variis tentationum generibus  
gerendum, disposita**

**Creide, Hartmann**

**Francofurti ad Moenum, 1682**

**Exegesis**

[urn:nbn:de:bsz:31-126133](#)

ollam, & amaritudo cessavit, 2. Reg. 4.  
v. 39. seqq.

Elisaeus idem est ac *salus Dei*, quod optimè congruit Servatori nostro; qui salus Dei est, usque ad extremum terræ, Esa. 49. v. 6. nobis herbat in eundem in hac misericordiarum valle, & in sudore vultus vescendum pane nostro, Gen. 3. v. 19. invenimus sèpè vites sylvestres & amaras colocynthidas, ex quibus neque commodum neque voluptatem capimus, ratione maledictionis, quâ Deus terram oneravit: Quin & amara colocynthide ipsi pulmentum discoximus, ut morti, ejusque prodromis, variis morbis subjecti sumus, juxta illud Syracidis cap. 40. v. 1. & seqq.

Verum quando ad Christum configugimus, clamantes: O vir Dei mors in olla! id est, oramus omni tempore, & in omni instantia, Eph. 6. v. 18. amarum colocynthidis pulmentum, farina præsentissimi auxili, edulcaturus est, ut ornata nobis in bonum cooperentur, Rom. 8. v. 28.

Præclarum exemplum habemus in Paralytico præsentis Evangelii, qui & ipse de amaro colocynthidum pulmento comedebat, ut morti vicinus esset: verum ubi à beneficis quibusdam ad Christum deferatur, & corpore & anima sanatur, ut à morbo & peccatis liberatus, quasi nunquam ægrotasset, abiit possit.

Nos methodo nostræ infirmitates contemplabimur

- I. *Tripliçem Querelam.*
- II. *Tripliçem Medelam.*
- III. *Tripliçem Cautelam.*

J. J.

### Exegeſis.

**N**emo sine speculo, dixit Socrates ad discipulos suos. Quo ipso id intendebat, ut illi, qui propter formam sibi placenter, è majorem adhiberent diligentiam, ne corpus bene dispositum, vitiis contaminarent. Qui verò deformitatem suam intuerentur in speculo, virtutibus faciem deformem emendarent.

Nobis idem facere convenit: & quia nos ipsos difficulter cognoscimus, speculum divini verbi adhibeamus, sic facilè errata nostra deprehendemus, ut dicamus cum Paulo: Scio, quod in carne meâ bonum non habiter. Velle adjacet mihi: perficere autem bonum non invenio. Infelix ego homo, quis me liberabit de corpore mortis hujus? Rom. 7. v. 18. 24.

### Querelam movet

I. *Christi repudiatio*, quam innuunt hæc verba: Et ascendens Jesus in naviculam, transfretavit, & venit in civitatem suam.

Paulò ante Servator cum discipulis suis mare penes Capernaum trajecerat, & in Regionem Gergesenorum venerat, eo fine, ut habitatoribus illius terræ, viam ad cœlum indicaret: adhuc enim in Ethnicâ infidelitate hærebant, quod inde patet, quia porcos malitos aluerunt, qui Judæi permisisti non erant, Levit. 11. v. 16.

Alii Gergesenos derivate volunt à Chama, filio Noë, qui inter alios & filium genuit nomine Girgoſi, Genes. 10. v. 16. à quo Gergesite orti, quorum mentio sit Gen. 15. v. 21. nec improbabile est, quod in terra Cessuli habitaverint, quæ ad Jordānem

nem sita, versus Orientem, Deut. 3. v. 14. Metropolis erat Gadara, alias Gerasa, sive Gergela vocata, de quâ Hieronymus scribit, quod suo adhuc tempore florentissima fuerit

In hac Regione Christus aliquantis per substituit, & duos obsecros liberavit.

Quia vero Dæmones ejecti, in gregem porcorum migrabant, & totum gregem in mare præcipitabant: tota civitas exiit ob viam Jesu, & rogavit eum, ut transiret à finibus eorum.

O quot hodie tenet reperiuntur, qui porcos suos majoris estimant, quam con cionem Evangelii, & è verbo Dei com moniti, ut à mundo immaculatos se custo diant, Jac. 1. v. 27. in quo nihil est, nisi con cupiscentia oculorum, concupiscentia carnis & superbia vitæ, 1. Joh. 2. v. 16. obsequi nolunt, dicentes: Recede à nobis, & scien tiam viarum tuarum nolumus, Job. 21. v. 11. Hi Epicurei sunt, qui ventrem Deum constituerunt, quorum finis interitus, & gloria in confusione, Phil. 3. v. 19.

Sus Deus repudiavit, & non modò sa crificiis non adhibuit: sed & Israelitas carnibus eorum vesci prohibuit, Levit. 11. v. 7.

Par ratione abominatur Epicureos, qui ut sus lota in volutabro luti volvuntur, 2. Petr. 2. v. ult. Sib. 5. v. 7.

Sus quando prehenditur, ingentem clamorem edit, novit enim mortem sibi paratam, quia lana destitutus, quæ decer piposse: Ovicula verò patiens est, nam lanam hominibus inservire novit, quæ & anniverariè detonditur. Ita norunt im pii, quando in morbum incident, quod corpore & anima Diabolo mancipentur,

idèo clamorem miserabilem emittunt, di centes: O montes cadite super nos, & abs condite nos à facie sedentis super thronum, Apoc. 6. v. ult. Pii verò & in morte confidunt, Prov. 14. v. 32. quia sciunt, illâ non damnum sibi afferre, sed januam ap eire ad vitam æternam, Joh. 5. v. 24.

Apage igitur cum subibus, quorum non est Regnum cœlorum. Oviculas vero Ser vator à dextris suis sistet, Matth. 25. v. 46. ut cum eo semper sint, 1. Thess. 4. v. 18.

**II. Paralytic i consideratio.** Hic in lecto jacebat ut truncus, multis doloribus in quietatus, quos paralyticis afferre solet.

Hæc magna est miseria, quod homo morbis adeò dolorosis subjectus est, qui ipsi somnum turbant, ut nec per noctem mente requiescat, Eccles. 2. v. 23. Job. 7. v. 4. Verùm non aliud id est, quam à peccato, hic fons est, ex quo non modò Paralysis, sed omnes alii morbi oriuntur. Hoc adeò corruptit nos, ut nihil boni in nobis habí tet, Rom. 7. v. 28. sed omnia depravata sunt, juxta illud, Esa. 1. v. 6.

Id nobis in Paralytico depingitur,

**1. Ratione aëspicii.** Paralyticis nihil aliud est, quam obstructio arteriarum, quâ Spiritus vitales in cerebro & corde impediuntur, quod minus in membra exteriora dividere se possint, unde obstupescunt, & ad munia naturalia inepta redduntur. Plutimi hunc morbus sibi attrahunt, intemperie, Venere & iracuidâ. Ita peccata actualia usurpimur proveniunt inde, quia homines aures obturant, instar aspidis surdæ, Pl. 58. v. 5. & resistunt spiritui S. ut primus mundus, Gen. 6. 3. hinc dilectio Dei & proximi in plurimi frigescit, Matt. 24. 12. contrâ vero opera carnis invalescunt, Gal. 5. 21. 22. tandem

sequitur Apoplexia, ut Deus defesus misereri constringat capita, verticem capilli, perambulantium in delictis suis, Psal. 68. v.22. ut incident in puteum, in quo non est aqua, Zach. 9. v.11.

2. Ratione exitii. Paralysis enim nervos constringit, & omnia corporis membra, ut non modò inepti fiant ad officium suum : sed & intolerabiles dolores ortantur, unde Philemon Sophista morbo hoc correptus ait : *Comedendum est, manus non habeo, ambulandum est, pedes non habeo, dolendum est, & manus habeo & pedes.*

Sic impiis peccatum omnia membra constringit, ut non possint benefacere, quia didicerunt malum, Jer. 13. v.24. Verum ubi conscientia evigilaverit, videbunt, quid fecerint, monitibus dicturi, cadite super nos, Apoc. 6. v.16. Hinc Augustinus : *O peccata, peccata, dum frateris ungitis, si persvasisti, ad mortem usque pungitis !* Jac. 1. v.15. hinc multi ad desperationem adiunguntur, ut sibi ipsis manus violentas inferant, & se in interitum & perditionem mergant, 1. Tim. 6. v.9.

3. Ratione auxiliij. Paralysis ejusmodi morbus est, qui nullo humano auxilio plenè curari potest, præsertim quando nimis invalidit : sed in principio auxilium adhiberi potest, internè, purgationibus idoneis, externè vero oleis & unguentis mollificantibus. Ita peccatum, quando in homine invalidit, morbus est desperatus. Ideò ait Bernhardus : *quando vitia in homine in consuetudinem abeunt, peculiaris Dei gratia requiritur, si exstirpari illæ debeant.* Peccata enim per consuetudinem despiciuntur, ut ejusmodi homines malum maximum suarum dicant bonum, Mich. 7. v.3.

ad eoque cò minus juvari illi possunt. Ergò principiis obsta, purga cor tuum pœnitentiâ, quiesce agere perverse, disce benefacere, Esa. 1. v.17. Deinde unge te oleo gratiæ divinæ, quod Christus nobis merito suo acquisivit. Sic salutatis effectus lequetur. Ubienint exsuperat delictum, exsuperat & gratia, Rom. 5. v.21.

Breviter : ut paralyticus hic ad Christum defertur, & inlecto ad pedes ejus reponitur, qui ipsum & corpore & anima curavit, & sanitati restituit : ita quando peccatorum paralysi infectus, in conscientia tua magnos dolores perterritis, ad Christum confuge, & tua aliorumque oratione utere : id bonum est & acceptum coram Salvatore nostro Deo, 1. Tim. 2.3. Jac. 5. v.16. Matth. 18. v.19.

III. *Perversa cogitatio*, quam Christus reprehendit in Scribis, inquiens : *Quare cogitatis mala in cordibus vestris ?* Licer enim aliâs in Proverbio dicatur : *Cogitationis pœnam nemo patitur.* Tamen id valet saltem in *foro soli*, ubi agitur secundum acta & probata : *Verum in foro poli haec regula minus locum habet.* Corda enim & renes scrutatur Deus, Jer. 17. v.10. & intelligit cogitationes nostras de longe, Psal. 139. v.3.

Caveamus itaque, ne & ipsi pravis cogitationibus cordis, cuius figuramentum malum est ab adolescentia sua, Gen. 6. v.7. indulgeamus, sed recordemur novissima, & nunquam peccabimus, Sir. 7. v.40.

Aves prohibere non possumus, ut caput nostrum supervolent : impedire tamen possumus, ne in capite resideant, aut in capillis nidifcent : Ita à malis cogitationibus

bus immunes planè esse nequimus, ex corde enim proveniunt, tanquam venenata scaturigine, Matth. 15. v. 19. cavere tamen possumus, quò minus in opus erumpant, & primò peccatum, deinde mortem parturiant, Jac. 1. v. 15. si nimirum corpus crucifigamus, cum desideriis & concupiscentiis, Gal. 5. v. 24. ne regnent in mortali nostro corpore, Rom. 6. v. 12. Nam non nocet sensus, ubi non est consensus, ut Bernhardus dixit. Quilibet Deum semper ante oculos habeat, & in hypocusto, vel cubiculo depingi curet historiam de iudicio extremo, & infernalibus suppliciis: sive proponat sibi caput mortuum, aut imaginem Crucifixi, vel simile quid: nec dubium est, quin hoc ipso pravas cogitationes repressurus sit, & ad meliores anfam capturus. Nam objecta movent sensus. Unde Salomo, Prov. 23. v. 29. & Siracides, c. 9. v. 7.

Seneca optimè consulit, inquiens: *Sic vive cum hominibus, quasi Deus semper te rideat.* Sir. 23. v. 28. qui illuminabit abscondita tenebrarum, & manifestabit consilia cordium. 1. Cor. 4. v. 5.

### De Secundo.

**S**equitur Medea, quæ fluit  
I. Ex dulcissima Capernaum appellatio-  
ne. Venit enim Christus in civitatem suam. Hæc fuit Capernaum, ut Marcus testatur, cap. 2. v. 1. vocaturque civitas Christi, quia ibidem semper fere habitavit, multos sermons habuit, & præclara miracula edi-  
dit. Unde Chrysostomus: *Bethlehem ipsum tulit, Nazareth educavit, sed Capernaum fecit ipsi habitaculum.*

Adhuc hodiè Christi civitas est, ubi verbum Deipurè docetur, & Sacraenta juxta institutionem Christi dispensantur, ibi enim habitat, Psal. 132. v. 14. ibi cami-  
num & ignem habet, Esa. 31. v. 9. ibi veniet ad nos, & benedicet nobis, Exod. 20.  
v. 24.

Talis est Augusta nostra Vindelicorum, non modò ratione exhibitæ Confessionis, A.C. 1530. sed & liberi exercitii, quod nobis per constitutionem pacis restitutum est, ubi confidenter prædicare, Psal. 12. v. 6. & Deum tranquillè laudare possumus in Sion, Psal. 65. v. 2.

Agnoscamus id grato animo, O optimi! ut dignè ambulemus Evangelio, Phil. 1. v. 27. ne Dominus causam habeat vñ super nos clamandi, ut olim super Capernaum, Matth. 11. v. 23. Avertat hoc benignissimum Numen, gratiam suam largiendo, sicut Capernaum, juxta quorundam opinione, est *vicus paenitentia*, & iterum *vicus consolationis*, ut & nō semper paenitentiam agentes, Domino deprecemur, quæ peccavimus: sic vocem amabilem audiemus, quā nos ut Paralyticum alloquetur: Con-  
fide fili, confide filia, remittuntur tibi pec-  
cata tua! Beatus, imò terque quaterque  
beatus! quem ita elegisti & adjunxisti ti-  
bi, inhabitabit in atriis tuis. Replebitur  
in bonis domus tuæ: sancti templi tui,  
Psal. 65. v. 5.

II. Ex perfectissima Paralyticæ curacione:  
quam Christus ut Magister salvationum  
præstítit, Esa. 63. v. 1. Is modò corpora-  
lem sanitatem à Domino petebat: & ecce!  
Dominus non modò eandem ipsi largitur,  
sed & animæ sanationem procurat, ob-  
struens scaturiginem peccatorum, ex  
mm m 3 quā